

## ANO ANG RED TIDE?

**ALGAL BLOOM** ANG KARANIWANG TAWAG SA PANGYAYARING DULOT NG PAGBABAGO NG KULAY NG DAGAT SANHI NG MABILIS NA PAGDAMI NG MGA ORGANISMONG TINATAWAG NA **DINOFLAGELLATES**. ITO AY NAKIKITA KAPAG ANG KANYANG DAMI AY UMABOT NA SA 10,000 CELLS PER LITER NG TUBIG-DAGAT O HIGIT PA. ANG PAGKULAY NG TUBIG-DAGAT AY BASE SA URI NG DINOFLAGELLATES. ANG KULAY AY MAAARING PULA, KULAY KALAWANG, BERDE, AT IBA PA.

ANG TAONG NAKAKAIN NG KONTAMINADONG SHELLFISH AY MAAARING MALASON, NA TINATAWAG NA **PARALYTIC SHELLFISH POISONING (PSP)**.

ANG SINTOMAS NITO AY ANG SUMUSUNOD:

**PAMAMANHID NG MUKHA AT PALIGID NG BIBIG, PAGSUSUKA, PAGKAHILO, PANANAKIT NG ULO, PARANG TINUTUSOK NA PAKIRAMDAM AT DI MAGALAW ANG MGA PAA AT KAMAY, PAKIRAMDAM NA PARANG LUMULUTANG SA HANGIN, PANGHIHINA, MABILIS NA PULSO, HIRAP SA PAGSALITA AT HIRAP SA PAGLUNOK.**

ANG TAO NA MAY SINTOMAS NG PSP AY NARARAPAT NA:

**PASUKAHIN UPANG MAILABAS ANG NAKAIN AT DALHIN SA OSPITAL PARA SA TAMANG LUNAS**

**DAPAT TANDAAN NA HINDI NATATANGGAL NG SUKA O ANUMANG MAASIM ANG LASON, IMBES MAS PINAPALAKAS PA ANG EPEKTO NITO.**

## SINTOMAS AT PAUNANG LUNAS

ANG MGA KUNDISYONG GAYA NG **SINAG NG ARAW, ALAT, MATAAS NA TEMPERATURA, AGOS O GALAW NG TUBIG AT SUSTANSIYA SA TUBIG** AY PUEDENG MAGING SANHI NG RED TIDE BLOOMS.

AYON SA RESEARCH, ANG SOBRANG PAGDAMI NG SUSTANSIYA TULAD NG PHOSPHORUS, PHOSPHATE, NITRATE, AT NITRITE KASAMA NG TAMANG KOMBINASYON NG TEMPERATURA AT ALAT NG TUBIG AY MAAARING MAGING SANHI NG PAGLITAW NG RED TIDE.

ANG MAHABANG PANAHON NG **TAG-INIT NA MAY KASUNOD NA MALAKAS NA PAG-ULAN AT DAGLIANG DALOY NG TUBIG MULA SA KALUPAAN** PAPUNTANG KATUBIGAN AY KADALASANG SANHI NG RED TIDE.



**BAWAL KAININ** ANG LAHAT NA URI NG SHELLFISH, TULAD NG TAHONG, TALABA, HALAAN, KABIYA, LITOB AT KASAMA NA ANG ALAMANG.

**PUEDENG KAININ** ANG MGA SUMUSUNOD:

**ISDA, HIPON, ALIMANGO/ALIMASAG AT PUSIT. KAILANGAN LANG ALISIN ANG HASANG, BITUKA AT LAMANG-LOOB, PATI ULO KUNG HIPON AT ALIGE KUNG ALIMANGO O ALIMASAG.**

## MGA PUEDENG KAININ AT HINDI

# ALAMIN ANG TUNGKOL SA RED TIDE



**REGIONAL FISHERIES LABORATORY**  
**0947 255 2273 / 0950 301 6963**  
**BUREAU OF FISHERIES & AQUATIC RESOURCES - BIKOL**